

淨廬佛學文叢序

周邦道

經律論藏，汗牛充棟；佛海淵深，渾無涯涘。而隱頤高玄之義理，逶迤詰屈之篇章；一般誦誦學子，往往望而生畏，罔敢問津。或疲茶於功令必修之科目，無暇鑽研，或迷惘於物質實用之藩籬，索然寡趣。夫中堅袖手，上乘停驂，欲佛法之廣被士林，弘敷覺舍，不亦戛戛乎其難耶！

南昌周子慎居士宣德，有鑒於此，獨具隻眼，猛著先鞭。當其始也，與諸上善人，倡設「佛學廣播」，空中弘法，溥利耳根。際其次也，聯繫各大專院校當局，組織佛學研究社團，以爲重心；並與縑素大德，設立各種獎學基金會，創辦慧炬雜誌社與出版社，以充實力。現計成立社團六十有一，參與學生七萬餘人；基金會二十六種，頒發獎學金台幣四百四十餘萬元，受惠者四千八百餘人。慧炬月刊已出一六九期，發行一百一十三萬餘冊；慧炬文庫印行三十八種，凡二十四萬二千餘冊；多係贈與社團成員，及各機關學校圖書館室。洎其近也，更延請專家學者，定期作學術講演，另舉辦念佛會、靜坐會，接引青年，隨分受益。緣是緣，大專學生研究佛學之風氣，勃然而起，蔚然而興；蓋興學以來，教育史上，得未曾有，懿歟盛矣，可以大書特書者矣！

經言：「飯凡人百，不如飯一善人；飯善人千，不如飯持五戒者一人；飯持五戒者萬人，不如飯一須陀舍。」乃至斯陀舍、阿那舍、阿羅漢、辟支佛、尊教度親，以迄於求佛濟衆。誠以位益高，德益重，體益大，用益弘；取法乎上，理所固然。以置身

庠序之俊秀，惟慧是業，菩提種子，廣植福田，自易發榮滋長，綠蔭成林；而物以羣分，方以類聚，氣求聲應，相觀而善，寧有不孳乳寢多者乎？

居士與德配胡安素夫人，同德同心，董理一切弘法事業。今值八秩雙慶，慨捨住宅「淨廬」爲慧炬出版社址，是亦一稀有勝事也。同仁感動之餘，爲發起醮籌「慧炬基金」，達百餘萬元，俾出版書刊，垂久勿替。王熙元教授則摺輯其關於弘明佛法之講辭讜論，凡五十有四篇，都爲一集，名曰「淨廬佛學文叢」。中分八類：首爲佛法與青年學佛活動，次爲佛法與當代文化問題，次爲佛法與國民道德教育，次爲佛法與青年身心修養，次爲佛法與人類精神生活，次爲書刊序跋，次爲人物悼念，最次爲書簡及其他。此皆居士二十年來，隨機說法，以善巧方便，從性海中流出，誘掖啓導後輩青年之文字般若也。

居士爲慧炬雜誌、出版兩社董事長，中華學術院佛學研究所理事長。社所同仁，既刊布「文叢」，分貽朋好，資爲紀念。茲再編入「中華大典」宗教類，列爲佛學部門第二十三種；對於驕之導開道路，鷹隼之迥出風塵，聊傾抒企慕之微忱耳！深信「慧炬」之光，燁煜章灼，將益被於四表；甄采佛學史實者，其亦有所參稽也歟？

中華民國六十七年七月十二日

周邦道敬識於中華學術院佛學研究所。